



Broj: 15/1-05-007691-1/16
Tuzla, 17. 03. 2016. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14), ministar donosi :

ODLUKU

o poništavanju i ponovnom pokretanju postupku javne nabavke za usluge lica građevinske struke

Član 1

Poništava se postupak javne nabavke za postupak nabavke usluga pravnog / fizičkog lica građevinske struke, za: LOT 1 - Usluge pravnog / fizičkog lica građevinske struke radi stručnog nadzora nad izvođenjem radova na izradi i postavljanju **jedinstvenih spomen obilježja**, na području i van područja Tuzlanskog kantona i LOT 2 - Usluge pravnog / fizičkog lica građevinske struke radi terenskog obilaska kandidata za dodjelu sredstava **za pomoć u stambenom zbrinjavanju** (bespovratna sredstva za jednokratnu pomoć u rješavanju stambenih potreba socijalno ugroženih branilaca i članova njihovih porodica i beskamatni krediti), iz razloga što nijedna od primljenih ponuda nije prihvatljiva.

Član 2.

Ova Odluka objavit će se na web stranici Ministarstva za boračka pitanja Tuzlanskog kantona.

Član 3.

Postupak poništavanja i ponovnog pokretanja postupka javne nabavke provest će se shodno odredbama Zakona o javnim nabavkama Bosne i Hercegovine, odnosno Uputstvu o uslovima i načinu objavljivanja obavještenja i dostavljanju izvještaja u postupcima javnih nabavki u informacionom sistemu „E- nabavki“ („Službeni glasnik Bosne i Hercegovine“, broj: 90/14).

Član 4.

Odluka stupa na snagu danom donošenja.

Obrazloženje

Na osnovu Obavještenja o nabavci, broj: 1015-7-2-5-3-6/16, objavljenog na Portalu javnih nabavki, dana 18.03.2016.godine, proveden je postupak prikupljanja ponuda za izbor lica građevinske struke, putem konkurentskog zahtjeva.

Komisija za javne nabavke je konstatovala da su se za oba lota prijavila tri ponuđača, i to:

- „Institut za zaštitu, ekologiju i obrazovanje“ d.d. Tuzla
- „AIK inženjering“ d.o.o. Banovići
- “Akvadukt “ d.o.o. Tuzla .

Uvidom u Izvještaj o preuzimanju tenderske dokumentacije od strane ponuđača utvrđeno je da ponuđač "Institut za zaštitu, ekologiju i obrazovanje " d.d. Tuzla istu nije preuzeo sa Portala javnih nabavke kako je navedeno u tački 19. Tenderske dokumentacije, te se ponuda ne može prihvatiti kao validna. Uputstvom o dopuni Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E- nabavke“ je predviđeno da ponuđač preuzima Tendersku dokumentaciju isključivo sa Portala javnih nabavki.

Uvidom u ponudu "AIK inženjering" d.o.o. Banovići, Komisija konstatuje da ista za LOT 1 I LOT 2 nije pripremljena u skladu sa zahtjevom iz Tenderske dokumentacije, broj: 15/3-05-007691/16 od 18.03.2016. godine (u daljem tekstu: Tenderska dokumentacija), iz slijedećeg razloga:

- Aneks 4. - Izjava o ispunjenosti uvjeta iz člana 45. stav (1) tačka od a) do d) Zakona o javnim nabavama BiH („Službeni glasnik Bosne i Hercegovine“, broj: 39/14) je ovjerena od strane nadležnog organa ali nije potpisana,
- u Aneksu 6. - Nacrt okvirnog sporazuma nije navedena cijena ponude, kako je traženo tačkom 15. Tenderske dokumentacije i
- cijene ponuda po oba lota su znatno veće od budžetom planiranih sredstava za navedeni predmet nabavke.

Uvidom u ponudu "Akvadukt " d.o.o. Tuzla, Komisija konstatuje da ista za LOT 1 I LOT 2 nije pripremljena u skladu sa zahtjevom iz Tenderske dokumentacije iz slijedećeg razloga:

- Aneks 5. - Pismena izjava iz člana 52. Zakona o javnim nabavkama nije potpisana i ovjerena od strane nadležnog organa i
- u Aneksu 6.- Nacrt okvirnog sporazuma nije navedena cijena ponude, kako je traženo tačkom 15. Tenderske dokumentacije.

Komisija je predložila ugovornom organu da u skladu sa članom 69. stav (2) tačka d) ZJN BiH donese Odluke o poništavanju postupka nabavke, iz razloga što nije zaprimljena ni jedna prihvatljiva ponuda i da se ponovi postupak nabavke.

Na osnovu prijedloga Komisije za javne nabavke, odlučeno je kao u članu 1. i 3. Odluke.

POUKA O PRAVNOM LIJEKU: Protiv ove Odluke svaki ponuđač može se izjaviti žalba u roku od 10 dana od dana prijema iste u skladu sa članom 101 stav (1) ZJN BiH.

Žalba se podnosi Ministarstvu za boračka pitanja Tuzlanskog kantona, Rudarska 65, Tuzla, shodno dredbama člana 99. ZJN BiH.

MINISTAR

Fahrudin Skopljak, dipl. ecc